

Na osnovu člana 16. stav 2. Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona”, broj: 7/10 i 3/23), člana 46. stav (4) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona”, broj: 21/23, 4/24 i 12/24), na prijedlog Ministarstva zdravstva, Vlada Zeničko-dobojskog kantona, na 74. sjednici, održanoj 28.03.2025. godine,
d o n o s i

O D L U K U

o usvajanju Izvještaja o utrošku sredstava po Programu utroška sredstava Ministarstva zdravstva na poziciji „Tekući transfer za Crveni križ“ Budžeta Zeničko-dobojskog kantona za 2024. godinu

Član 1.

(Predmet)

Usvaja se Izvještaj o utrošku sredstava po Programu utroška sredstava Ministarstva zdravstva na poziciji „Tekući transfer za Crveni križ“ Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 20/24), koji čini sastavni dio ove odluke.

Član 2.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 3.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-6301/25

Datum, 28.03.2025. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Ministarstvo finansija,
1x „Službene novine Zeničko-dobojskog kantona“,
1x a/a.

**IZVJEŠTAJ O UTROŠKU SREDSTAVA
PO PROGRAMU UTROŠKA SREDSTAVA MINISTARSTVA ZDRAVSTVA NA
POZICIJI „TEKUĆI TRANSFER ZA CRVENI KRIŽ“ BUDŽETA ZENIČKO-
DOBOJSKOG KANTONA ZA 2024. GODINU**

I UVOD

U skladu sa članom 33. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24), sredstva utvrđena u razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614300, pozicija „Tekući transferi neprofitnim organizacijama“, koriste se prema programima utroška koje donosi Vlada Kantona.

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 12/24 i 24/24) planirana su sredstva u iznosu 10.000,00 KM na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614300 - „Tekući transferi neprofitnim organizacijama“, subanalitika LAX004 „Tekući transfer za Crveni križ“.

Vlada Zeničko-dobojskog kantona Odlukom broj: 02-11-16841/24 od 04.10.2024. godine usvojila je Program utroška sredstava Ministarstva zdravstva na poziciji „Tekući transfer za Crveni križ“ Budžeta Zeničko-dobojskog kantona za 2024. godinu na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614300 - „Tekući transferi neprofitnim organizacijama“, subanalitika LAX004 „Tekući transfer za Crveni križ“.

Članom 46. stav (4) Zakona o izvršavanju Budžeta Zeničko-dobojskog kantona za 2024. godinu propisana je obaveza organa uprave da o utrošenim sredstvima po usvojenim programima polugodišnje izvještava Vladu Kantona.

II REALIZACIJA PROGRAMA

Vlada Zeničko-dobojskog kantona donijela je Odluku broj: 02-11-17952/24 od 25.10.2024. godine kojom su odobrena sredstava Crvenom križu Zeničko-dobojskog kantona u ukupnom iznosu od 10.000,00 KM za organizovanje akcija dobrovoljnog darivanja krvi u 2024. godini, a u svrhu pomoći u finansiranju Crvenog križa za organizovanje dobrovoljnog darivanje krvi kako bi obezbjedili dovoljne količine krvi za potrebe JU Kantonalna bolnica Zenica i JU Opća bolnica Tešanj, Zavoda za transfuzijsku medicinu Federacije BIH kao i za pacijente koji se liječe van našeg kantona. Planom akcija dobrovoljnog darivanja krvi za 2024. godinu organizacije Crvenog križa Zeničko-dobojskog kantona planirale su 83 redovnih i 12 vanrednih akcija u kojima je planirano 3459 doza krvi.

Sredstva odobrena odlukom transferisana su na žiro-račun Crvenog križa Zeničko-dobojskog kantona dana 12.11.2024. godine.

U skladu sa članom 4. Odluke o odobravanju sredstava broj: 02-11-17952/24 od 25.10.2024. godine Crveni križ Zeničko-dobojskog kantona dužan je izvjestiti Ministarstvo zdravstva o namjenskom utrošku sredstava dostavljanjem izvještaja o raspodjeli sredstava odobrenih za akcije dobrovoljnog darivanja krvi do 28.02.2025. godine.

Crveni križ Zeničko-dobojskog kantona dopisom broj: 02-2-4/25 od 18.02.2025. godine dostavio je Ministarstvu zdravlja izvještaj o pravdanju sredstava koja su raspoređena na osnovu Odluke o raspodjeli sredstava odobrenih za akcije odnosno pojedinačna darivanja krvi u 2024. godini broj: 07-7-I-21/24 od 24.10.2024. godine koju je donijelo Predsjedništvo Crvenog križa Zeničko-dobojskog kantona i to na sljedeći način:

Red .br.	Gradska/općinska organizacija CK	Broj doza krvi u 2024. godini	Ukupan iznos sredstava
1.	ZENICA	429	992,80 KM
2.	TEŠANJ	988	2.286,30 KM
3.	VISOKO	270	624,90 KM
4.	ZAVIDOVIĆI	573	1.326,00 KM
5.	KAKANJ	559	1.293,60 KM
6.	ŽEPČE	244	564,70 KM
7.	MAGLAJ	256	592,50 KM
8.	OLOVO	445	1.029,80 KM
9.	BREZA	310	717,40 KM
10.	VAREŠ	61	141,40 KM
11.	USORA	66	152,80 KM
12.	DOBOJ JUG	120	277,80 KM
UKUPNO		4321	10.000,00 KM

Crveni križ Zeničko-dobojskog kantona uz dostavljeni izvještaj priložio je dokaze o uplati i račune za pravdanje namjenskog utroška sredstava.

Ukupni troškovi po osnovu „Tekući transfer za Crveni križ“ iznose **10.000,00 KM**, što je 100,0% sredstava planiranih Budžetom Zeničko-dobojskog kantona za 2024. godinu.

Zenica, mart 2025. godine

MINISTRICA

dr Aida Salčinović